

## Transkription von Urkunde SAW 1495d

Ort, Datierung: Salzwedel, 1495-11-14

Signatur: Stadtarchiv Salzwedel, 234/18

Inhalt: Rat der Stadt Salzwedel: Pachtbeleg

Wÿ Hans rodenszee Diderick almpkstede Diderick brewitz Ludeke holtorp Otto vintzelberg / Herman  
lijsten Hans besendal Hoyger wittekop Jacob alem Wilhelm wolter Hans / groteian Herman chuden  
Hans merin Diderick chuden Kersten hinrickes Gher(e)ke / rademÿn Hans gusseuelde vnd(e) Hinrick  
milges Radma(n)ne to Soltwedel Beke(n)nen / ope(n)bar(e) mit disem brêfe tugende vor alszwem(e)  
Dat in vnser Jegenwordicheit Jacob / moller vnse medeborger(e) hefft vorkofft recht vnd(e) redeliken  
to eynem(en) recht(e)n erffkope / vorkofft ok in crafft disses brefes vp vnd(e) an sÿner water mollen an  
dem(e) Bock=/horninge vnd(e) sÿner Wintmollen vnde sÿner wintmollen buten dem(e)  
bockhorni(n)ger / dore beleg(e)n vnd(e) allen der sulfft(e)n beyden mollen to behoringen dem(e)  
Ernehaftig(e)n / Her(e)n Nicolao louwen Co(m)mendist(e)n der co(m)menden szo Er(e)n Diderick  
måß zeleger / to den tijden vnser leuen frouwen In der kerken vnser leuen frouwen bestsdiget hefft /  
vnde s[yn]en nakomelingen to der Co(m)menden behuff Eÿnen wispel rogg(e)n jarliker / pachtes den  
de sulue Jacob vnd(e) sÿner mollen vnde tobehoringe besitter(e) dem(e) / genom(e)den her(e)n Nicolao  
Com(m)endist(e)n vnd(e) sÿnen nakomelingen alle jarlikes vp / su(n)te Martine Dach sunder vartoch  
vnd(e) weddersprake willen vnd(e) schollen ent=/richten vnd(e) betalen Dar var(en) de vpgenom(e)de  
Er(e)n Nicolaus Co(m)mendisten von / den gelde vnde houetsu(m)men der co(m)menden dem(e)  
genom(m)den Jacob moller wol / todancke vornÿget vnd(e) beta-let hefft vnd(e) virdtegh gude genge  
rinsche gulden(e) Doch / dem(e) suluen Jacob moller vnde sÿner mollen mit or(e)n tobehoringen  
besitter(en) / den wedderkop hir ann(e) tobeholden(en) alsze wa(n)ner(e) on dat so bequem(e) isz  
de(n)ne / moghen vnd(e) schollen sie Den vpgenom(e)den Er(e)n Nicolao Co(m)mendisten vnde /  
sÿne(n) nakomelingen sodan(e) wedderkôp in den achtedagen su(n)te Jacobi des / grot(e)n toseggen  
vnd(e) vorkundigen vnde on de(n)ne in den achtedagen sunte / Martini dar negestuolgende sodan(e)  
virtig gude genge rinsche guld(e)n houet/su(m)men mit alle nastelligen bedaged(e)n pacht(e)n vul  
vnd(e) al entricht(e)n vnd(e) betalen / vnd(e) alsden(n)e schal om(e) vnd(e) sÿner mollen vnd(e)  
tobehoringe besitter(en) sodan(e) wispel / rogg(e)n jarlikes pacht(es) wedder lôsz qwijd vnd frÿg vnd(e)  
disse breeff machteloos / syn To orkunde hebben wy vnser olde(n)stadt Ing(esegel) witlik(e)n hang(e)n  
het(e)n an disen breeff / Na cristi vnser her(e)n gebord virteÿnhundert Jar(e) dar na Im(e) vijff vnd(e)  
Nege(n)tigstem(e) / jare am(e) Sonauende na Brictij Christi <sup>1</sup>

---

<sup>1</sup> Brixentag (13.II.)